

**Viro clarissimo Polychronio Demetrio ... gratulatur ... Ernesto Gottlob Bose
... collegium disputatorium / interprete Justo Godofredo Apelio ... De
morbis e sanguine male proportionato oriundis.**

Contributors

Apel, Just Gottfried, 1744-
Bose, Ernst Gottlob, 1723-1788.
Demetrius, Polychronius, 1752-

Publication/Creation

[Lipsiae] : [Ex Officina Langenhemia], [1778]

Persistent URL

<https://wellcomecollection.org/works/z38uczfj>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

VIRO CLARISSIMO
POLYCHRONIO DEMETRIO

THRACI

MEDICINAE BACCALAVREO

SVMMOS IN MEDICINA HONORES

GRATVLATVR

VIRI MAGNIFICI

D. ERNESTI GOTTLOB BOSE

ANAT. ET CHIRVRG. P. P. O.

COLLEGIVM DISPVTORIVM

INTERPRETE

IUSTO GODOFREDO APELIO

LIPSIENSE

MEDICINAE BACCALAVREO

De Morbis e Sanguine male proportionato oriundis.

LIPSIAE D. XXV. SEPT. MDCCLXXVIII

EX OFFICINA LANGENHEMIA.

[Faint handwritten notes at the bottom of the page]

11 10 9 8 7 6 5 4 3 2 1 J

©1971 BY THE BOARD OF MEDICAL EDUCATION

Ex chylo sanguinem, ex hoc vero omnes alios viui corporis humores, praeparari constat; atque hinc copia sanguinis partiumque illum constituentium mutatis, humores etiam mutar incesse est; fieri hinc potest, vt praeternaturalis corporis dispositio actiones eius laedens oriatur, quae morbi nomen habet.

Sanguinem vero diuersis ex partibus, aqua vtpote, aëre, salibus, oleo, terraque componi Chymia docet, quarum vel abundantia, vel defectus, statum praeternaturalem producit.


Vitium sanguinis in copia aequae ac inopia consistere potest. Quod ad abundantiam boni humoris, functiones laedentes attinet, plethoram hanc dicunt; notum autem est non omnem sanguinis quantitatem, ad plethoram referendam esse, nisi sit maior quam functiones corporis requirunt sanitasque patitur.

Fieri vero nequit, vt determinata sanguinis mensura corpori cuiusque tribuatur, defectus nimirum aut excessus aliquot vnciarum, merito nihili aestimatur, ac quae in vno corpore superflua videri possit, ea in alio forte grandiori, vasisque maioris luminis praedito, inter vacuitates fere censetur.

Status, quo massa sanguinis ipsa vitata et inquinata est, plethorae spuriae nomine venit; veteribus plethora alia erat ad vasa, ad vires itidem alia, priorem obtinere dicunt, dum succi mediocris qualitatis, supra iustam, naturaeque congruentem massam, sine magno tamen incommodo accumulatur; cum posteriori vero magna coniungere incommoda.

Ad humani corporis conseruationem praeter nutritionem quoque requiritur vt, quae superfluae et ad nutritionem inutiles sint partes, ope excretionum eiiciantur, ne humorum copia forte plus iusto augeatur. In retentione etenim partium, ex sanguine eliminandarum, verae plethorae causae cernuntur.

Qui corpori sufficientem motum recusare sustinent, impediunt se et excretiones, efficiuntque, vt sanguis, quod non



fatis resolvitur, et depuratur, necessario accumuletur; ii quoque ad plethoram proclives sunt, qui alimenta bonae notae, nimia in copia ingerunt. Etsi enim ea in ventriculo rectissime coquantur, tantam tamen sibi praeparant sanguinis quantitatem, quae in corporis usum impendi nequeat. Augetur vero imprimis sanguinis copia, si in vasis lacteis magna inest vis contractilis, qua chylus copiose insugitur et per ductum thoracicum ad sanguinem devehitur.

Ad plethoram inclinant quoque sanguinei temperamenti homines. Sunt hi animo alacriori, somno dediti, remotiores a vehementioribus pathematis, facileque digerunt, in quibus omnibus videre licet rationem, cur in his iusto maior copia sanguinis paretur.

Effectus plethorae in corpore humano facile sunt obuii. Si sanguinis nimia sit copia, cor atque arteriae, huic liquori aequabiliter distribuendo non sufficiunt, inde motus humorum tardior, minusque velociter ad organa secretoria deferuntur, sanguinisque spissus difficiliter resolvitur. Hinc orgasmus sanguinis, motum intestinum augens, dilatatio tandem vasorum serosorum atque lymphaticorum. Ob hanc expansionem globuli rubicundi facilius in vasa maiora se insinuant, nec tam facile ex illis recedere possunt accedente imprimis refrigeratione, quoniam fluidum rubicundum crassius est lympham, atque sero. Surgunt porro inde stases, inflammationes, febres atque spasmi; maiora vasa tensa comprimunt adiacentia et cerebrum, sanguinis circulatio praepeditur, nascitur hinc capitis dolor, hebetudo sensuum, pressio nervorum, perturbatio itineris nervi fluidi, proptereaque via ad apoplexiam et epilepsiam. Et cum fluidum nervium motum muscularem plurimum promoveat, illo perturbato, aut minori in copia separato, hic quoque impeditur, unde sensus gravitatis, artuumque ponderis, taediumque ad functiones perficiendas.

Vasa pulmonalia in plethoricis, nimio sanguine repleta, praecordiorum anxietates, impeditamque respirationem reddunt, diu nimirum in pulmonibus retinetur sanguis, ac egressus e pulmonum vesiculis aëris quoque prohibetur. Haemorrhagiarum quoque

quoque origo ex plethora deriuanda est, ex quibus subitanea mors accidit, quod vasa iusto robore destituta, impetui resistere satis nequeunt, facile tandem rumpenda.

Existunt quoque accumulationes humorum saepius in locis quibusdam præcedente vasorum debilitate, quae robore humoribus propellendis sufficiente destituta, hos spissos efficiunt, aegre per minora prorumpentes vasa. Nascuntur hinc obstructions, stagnationes, inflammationes, sequelae nimirum eiusmodi accumulationis seu congestionis; aliae quoque praeterea patent sequelae, ad quas vasorum distensionem, neruorum compressionem, constrictionem vasorum, frigus denique, iure retuleris. Capiti proximae congestiones, neruos eorumque fluidum, irritant, vnde facilis paralytis, vertigo, apoplexia reliquaque profluunt.

Comitantur grauiore morbi vasorum vacuitatem, quam *Κενεαργυλα* dicunt, oritur haec, ex bonae nutritionis defectu, ieiuniis diuturnis, excretionibus nimis humorum, diaetaeque vitio, etc. vnde menstruorum resoluentium defectus ex defectu bonae praeparatae bilis, succi pancreatici, gastrici. Obstructis vasis chyliferis nec chylus generari, nec nouus sanguis parari potest, quo sic deficiente functiones corporis humani impediuntur oportet, male eodem nutrito vigor perit, male elaboratum nerueum fluidum, spasmos, aliosque motus inordinatos ciet, humores praeterea redduntur acriores, itaque cacochymia nascitur, diuersae ex diuersis causis denominationis.

Aqua commixta lymphæ et sero potior sanguinis pars est constitutiva. Aluminis instar in aqua calida coagulatur, sponte sese separat ex sanguine e vena hominis sani emisso; serum contra ita non coagulatur, lymphæ est tenuius, cum qua semper est commixtum. Maior abundantia, vel minor quoque statum praeternaturalem efficit. Insignior enim partium aquosarum quantitas, vasa debilitat, viscera robore priuat, sicque atoniam producit, dilatantur praeterea nimis lymphatica et serosa vasa, quorum vis contractilis perit. Itaque serum stagnat viscidum, fiunt congestiones, quas tumores oedematosi, hydrops, anasarca, deficiens calor, aliaeque incommoda excipiunt. Deficiente contra partis aquosae iusta quantitate, sanguinis fluxus retardatur,




datur, humorum circulus impeditur, qui visceri fiunt atque spissi; patiuntur vasa obstructions, tumores, congestiones, tandemque calculi, aliaeque concretiones fiunt, quod partes terrestres potissimum nimis cohaerent.

Excedens partium oleosarum quantitas, solidas nostri corporis partes adeo relaxat, vt neque excretiones rite peragi, neque secretiones fieri queant. Praeterea ex eadem causa vasorum oscula clauduntur, obstructions et inflammationes proveniunt, aquosae partes cum reliquis non exacte commiscantur, et tandem acrimoniae, vrentiaeque generantur. Profluunt hinc nausea, vomitus, sitisque, indigestio, icterus, tenacitas, aliaeque incommoda. A defectu vero oleosarum sanguinis partium, coctio ciborum impeditur, quod impedimentum in pallorem, frigus atque debilitatem, simulque difficultatem excretionis foecum definit.

Aër cibus admixtus cum iis in ventriculum deducitur, chylo atque sanguini admiscetur, cui elasticitatem et fluiditatem communicat; calore expanditur aër, atque sanguis, vnde humores calore nimio admodum resoluuntur. Vehementiori partium sanguinem constituentium motu, calor oritur. Hic iusto maior a viribus mouentibus pendet, quae cordi, et arteriarum contractioni insunt. Inde motus sanguinis celerior redditur, et calor praeternaturalis ab omni re producit, quae contractionem cordis et arteriarum iusto maiorem efficit. Producit vero haec nimia cordis contractio, nimia accessione fluidi neruei ad cor, animi pathematis vehementioribus. Hinc dissipatio partium sanguinis subtiliorum, visciditas, humorum resolutio nimia, locorum errores, vasorumque minimorum obstructions, inflammationes, orgasmus sanguinis. Calore deficiente non satis resoluuntur humores, se et excretiones impediuntur, cohaesio partium male proportionata redditur, motus progressius supprimitur, indigestiones proueniunt sanguisque minus elasticus euadit.

Quod ad salia in corpore nostro attinet; proportionem eorum in sanguine laesa, itidem morbus subsequitur. Notum vero est, acida salia temperare calorem, resistere putredini, partes terrestres



restres resolvere; stimulare fibram muscularem; atque ad fortiorrem contractionem disponere. Etiam alcalina salia producunt calorem, humores resoluunt, intestino motui putredinoso fauent, humorem viscidum disiungunt, corriguntque acidum. Media quoque salia, in soluendis humoribus, putredini resistendo, stimulando fibras musculares occupantur. Quamobrem ex mala proportionem salium profluit omne genus morbosorum effectuum quod cacochymiae vel acrimoniae nomine pathologi complectuntur.

In abundantia vero partium salinarum acidarum, acrimonia acida cernitur, hanc excipiunt pallor faciei et lancinantes dolores. Humores coagulantur, et in minora vasa se insinuare nequeunt, itaque sanguinis circulus perturbatur, profluuntque inflammationes et obstructions, sudores acidi, excrementa caseosa et viridia, nimius appetitus, salinae sapor dulcis, alui tormina, erosio lenta, urina stranguriosa, frigus. Ob defectum etiam salis acidi, partes terrestres difficulter resoluuntur, cohaesio harum partium maior fit, itaque sanguis quoque ad liberiores circulum ineptior, obstructio vasorum indeque profluens imminutio se et excretionum,

Alcalina acrimonia ex abundantia salium alcalinorum venit, quae per alimenta ex regno animali in sanguinem inferuntur, atque sanguinis vehementiori circulatione aucta, augetur. Vi huius acrimoniae, humores nimis resoluuntur, partium cohaesio minor efficitur; vasis dilatatis motus sanguinis maior fit, imo humores in maius spatium expanduntur. Hinc erosiones cutaneae, foetor cadauer olens vel toto corpore vel quadam parte, sapor instar carnis, sitis inexplebilis, prostratus appetitus, foeces solutae nigrae, cadauerosae, urina acris, crassa et spumescens. Adhaec continua siccitas in secretoriis organis serosis variis, inflammationes faciles, atque ad gangraenam, et sphacelum proclives, sudor fere nullus, atque excretiones impeditae. Quoniam humores deficiente sale alcalino aegre resoluuntur, imminent stagnationes, obstructions, et inflammationes, acidum abundans non correctum, effectus offert similes iis, qui sunt ex abundante sale acido.

Tandem



Tandem acrimonia muriatica oritur ex nimia quantitate cum cibis ingestorum salium, est ea coniuncta cum nimia humorum resolutione, ingenti siti, sapore falso, siccitate cutis, erosionibus cutaneis prurientibus, vrina acri putrescente superficie oleosa, doloribus rodentibus, deprauata lymphæ, et scorbuto muriatico. Deficiente sale neutro oritur putredo, nulla resolutio debita fit humorum.

Partes terrestres in sanguine, post destillationem remanentes in capite mortuo, quod si hæc nimium exsuperant, efficiunt sanguinem spissorem, circulationemque eius impeditam, obstructions, accumulationes partium terrestrium; sicque generantur calculi in vesica fellea, urinaria, renibus, aliisque locis, tandemque continuata partium terrestrium accumulatione gravissimi insequuntur morbi. Contra terrestribus particulis deficientibus, nimia tenuitas humorum exsurgit, seri abundantia iusto maior, fitque cohesio minor partium, quæ omnia alimenta morborum grauiorum præbent.

AMICE OPTIME bene scio hæc pauca, quæ ex virium mearum tenuitate conscripsi multum a nouitate abesse, itaque hoc scriptum tanquam nostræ aduersus te amicitiae testimonium considera. Tibi enim nomine comilitonum, moderante EXC. BOSIO disputando se exercentium, obtentam diligentiae honorum coronam gratulor, collatam in me hanc officii prouinciam tanto assumpsi libentius, quanto mihi carior semper extitisti. Adsit rebus tuis fauens numen in posterum quoque, eueniatque tibi fortuna digna. Nos vero etiam absentes tua amicitia dignare. Vale.

